

croscopium inspectæ sunt nihil aliud quam portiones ferri
vehementissima hæc attritione fusæ & liquatae.

2. Ferrum leviter saltem prius præparatum solo & re-
petito fortiori ictu atque percussione cum malleo facta,
absque ullius ignis accessu candens redditur.

3. Phosphorus Anglicanus solo attritu & motu accen-
ditur & flammam suppeditat lucidissimam, penetrantissime
urentem.

4. Oleum Caryophillorum æquali portione mixtum
cum Spiritu concentrato singularis præparationis à nobis
igneo dicto, in momento non secus ac si ignis admo-
vetur pulveri pyro, in ignem amplissimum lucidissimum
resolvitur siccissimo & levissimo cinere relicto.

5. Oleum majoranæ, terebinthinæ, anisi, succini cum
eodem Spiritu si seorsim misceantur nullam dant flammarum,
sed fortiter incalescant & resolvuntur in liquorem cras-
sum rubicundum, oleum terebinthinæ autem in nigrican-
tem instar picis massam.

6. Venti ignei variis modis oculis sisti possunt, dum
pulvis Benzoës Mastiches vel Seminis Lycopodii tubo vi-
treo vel fistula tabaci exceptus in candelæ flammarum inflatur.

Spiritus Vini rectificatissimus in æolipila contentus
convertitur in Ventum qui admota candelæ flamma jucun-
do spectaculo accendit.

8. Limatura martis mixta cum Sulphure & aqua ebul-
lit & massa nigra aeri libero exposita flammarum concipit.

DEMONSTRATIO VIII.

Flamma libero & necessario aeris commer-
cio eget, hinc aer ignis anima.

Experimenta.

1. In Campana, cui aer evacuatus est, flamma cande-
læ